

ՄԱՆՐԱՔԱՆԴԱԿՆԵՐԻ ԿՈՄԻՏԱՍԻ ՊԱՏԿԵՐՈՎ

Հ. Վ. ՍԱՐԳՍՅԱՆ

Կոմիտասին նվիրված մեդալների ստեղծման պատմությունը հին չէ՝ նրա մահվանից երեք տասնամյակ անց Վենետիկի Մխիթարյան միաբանության պատվերով դրվագվեց առաջին մեդալը, որը 1966 թ. թողարկեց Միլանի Լո-րիոլի ֆիրման։ Հեղինակն է իտալացի նկարիչ Վարիսկոն (նկ. 1)։

Մեդալի վրա Կոմիտասը պատկերված է մինչև կուրծքը, գլխաքաջ։ Եզրին արված է «ԿՈՄԻՏԱՍ ՎԱՐԴԱՊԵՏ» մականությունը։ Չնայած մեդալի փոքր չափերին (տրամագիծն է 30 մմ), նրա վրա վարպետորեն փորագրված են մեծ երգահանի դեմքի մանրամասները։ Առավել տպավորիչ են աչքերը, որոնք ընդհանուր պատկերին տալիս են անմեղության և բարձր զգացումների, ազնիվ տրամադրության արտահայտություն։ Դիմաքանդակի և գրությունների ստեղծման գործում ակնհայտ է պատվիրատուի անմիջական մասնակցությունը, որից և հուշամեդալը բավական շահել է։

Սովետական Հայաստանում Կոմիտասին նվիրված առաջին մեդալը թողարկեց Հայաստանի երգչախմբային ընկերությունը։ Սրա մի երեսի վրա պատկերված էին Կոմիտասի գլուխը՝ թեթևակի դեպի ձախ թեքված և ձեռքը, որը զբաղեցնում է դաշտի ներքևի մասը ամբողջությամբ։ Մեդալը պղնձյա է, տրամագիծը՝ 58 մմ։ Այն հեղինակել և փորագրել է Մնացական Թամրազյանը (նկ. 2)։

Մեդալի առաջին երեսը ստեղծելիս հեղինակը հմտորեն օգտագործել է ՀՍՍՀ ժողովրդական նկարիչ Գրիգոր Խանջյանի գրաֆիկական աշխատանքներից մեկը՝ վերցված Պարույր Սևակի «Անլուծի զանգակատուն» պոեմի գեղարվեստական ձևավորումից¹։ Դրվագված է «Խմբավազ» («Ղողանջ հաղթության») ստեղծագործումից մի հատված, ուր պատկերված է Կոմիտասը երգչախմբի առջև կանգնած։

Փորագրիչ վարպետը կարողացել է հմտորեն ընտրել այնպիսի հատված (թողնելով մեդալի շրջանակից դուրս գրաֆիկական նկարի ամբողջականությունը), որը արտահայտում է մեդալային արվեստին բնորոշ բովանդակության հակիրճ իմաստը։ Մեդալը հիրավի կարելի է կոչել համապարփակ մի բառով՝ «Երաժշտություն»։ Մեդալագործը կերտել է խոր ստեղծագործությամբ իմաստավորված անկրկնելի մի պահ՝ լրիվ պահպանելով Գ. Խանջյանի մտահղացումը։ Երկրորդ երեսին դրվագված է Կոմիտասի ստորագրությունը և երեք կռունջներ, որոնք, անկասկած, օտարությունից վերադառնում են հայրենիք։ Այսպիսով, մեդալի երկու երեսները լիովին լրացնում են միմյանց՝ արտահայտելով մտքի տրամաբանական ներդաշնակություն։

Երեք տարի անց, 1969 թ. Մ. Թամրազյանը ստեղծեց երկրորդ մեդալը՝

1 Պ. Սևակ, Անլուծի զանգակատուն, Երևան, 1966, նկարազարդումները՝ Գ. Խանջյանի (տե՛ս էջ 152—153)։

նույնպես Պ. Սևակի «Անլուելի զանգակատուն» պոեմի՝ Գ. Խանջյանի նկարազարդումների թեմայով, Այն պղնձյա է, տրամագիծը՝ 70 մմ: Այս անգամ նա երկու երեսների համար օգտագործել է տարբեր գրաֆիկ նկարների հատվածներ՝ «Կռունկ» («Ղողանջ կոտորածի») և «Եղեռն» («Ղողանջ աքսորի»): Սակայն դրանք մեկնաբանել է յուրովի (նկ. 3):

Մեղալի առաջին երեսի վրա պատկերված է Կոմիտասը՝ խելակորույս, ձեռքերը վեր կառկառած, աչքերը փակ, երերուն, տարօրինակ քայլելիս: Եուրջը դիակներ են: Զգացվում է դժոխային, անվերջ թվացող ճանապարհի խորությունը: Նա ընթանում է առաջ, բայց այլևս չի ձգտում դեպի լույսը, երգը: Երկրորդ երեսին դրվագված են վեր ձգվող ճղակոտոր ծառեր, հեռվում նշմարվում են բնակելի տներ՝ սրածայր տանիքներով, աչք եզրում՝ «ԿՈՄԻՏԱՍ» մակագրությունը:

Այստեղ մեղալագործը, օգտագործելով նկարչի մտահղացումը, ստեղծել է երկկողմանի, տրամաբանորեն միահյուսված և իրար լրացնող մի հուշարձան, որն անվանել է «Եղեռն»:

Այսուհանդերձ, մեղալի առաջին երեսի պատկերը չի կարելի դասել լավագույն օրինակների շարքը: Միշտ չէ, որ մետաղի վրա որևէ ստեղծագործություն վերարտադրվում է իր ամբողջ խորությամբ, թեկուզ և այն լինի բարձրարվեստ գործ: Գ. Խանջյանի «Եղեռն» («Ղողանջ աքսորի») գրաֆիկական ստեղծագործությունը, որն ամբողջ նկարաշարի հաջողվածության պատկեր է, մետաղի վրա զրկվել է ազդեցության լիակատար ներգործությունից:

Երկրորդ երեսի վրա մեղալագործը փորագրել է «Կռունկ» կոմպոզիցիոն պատկերի մի մասը միայն, Կոմիտասի պատկերը փոխարինելով գրությամբ: Անշուշտ, այս փոփոխումից մեղալը որոշ չափով շահել է, սակայն հեռացել է նկարչի մտահղացումից: Մեղալը դիտելիս թվում է, թե այստեղ փորագրված են ճյուղերը կտրտված ծառեր, նուրբ բողբոջներով, այլաբանորեն արտահայտելով հայ ժողովրդի կենսունակության, լուսավոր ապագայի գաղափարը: Ըստ երևույթին, պատկերը ավելի կշահեր, եթե մեղալի վրա չդրվազվեին շինությունների տանիքները, որոնք առանց Կոմիտասի օտար են և անհասկանալի: Հեղինակը, օգտագործելով Գ. Խանջյանի գրաֆիկ նկարը, մեղալին տվել է բոլորովին այլ իմաստ, օրգանապես այն կապելով առաջին երեսի կոմպոզիցիոն պատկերի հետ:

Կոմիտասի ծննդյան 100-ամյա հոբելյանը իր արտահայտությունը գտավ նաև հայ մեղալագործների աշխատանքներում: Կոմիտասյան հոբելյանական մեղալները նոր էջ բացեցին հայկական մեղալային արվեստի պատմության արդի ժամանակաշրջանում:

Մեղալներ թողարկվեցին ինչպես Հայաստանում, այնպես էլ սփյուռքում և բազմաթիվ օրինակներով տարածվեցին որպես հայ ժողովրդի մեծ երախտավորի հիշատակը հավերժացնող հուշարձաններ: Մյուս կողմից, այդ մեղալներից մի քանիսը, լինելով բարձրարվեստ մանրաքանդակներ, կարելի է դասել հայկական մեղալային արվեստի լավագույն օրինակների շարքը:

Սովետական Հայաստանում ստեղծված հոբելյանական մեղալներից, իր պարզությամբ ու արտահայտչական միջոցների թարմությամբ, աչքի է ընկնում Ստեփան Քյուրքչյանի կերտածը (նկ. 4): Սրա առաջին երեսի վրա փորագրված է Կոմիտասի գլուխը՝ դեմքով դեպի ձախ, ձախակողմյան եզրում գրություն՝ «ԿՈՄԻՏԱՍ», երեք վարդյակ և «100»: Երկրորդ երեսի վրա պատկերված է



1



2



3



4



5



6



7



8



9



10

գուլթանով վարող գյուղացի, հեռվում՝ սարեր և արև, Մեծ երգահանի պատկերը զբաղեցնում է գաշտի միայն աչ կողմը, կարծես ազատ տարածություն թողնելով երաժշտության հնչյունների համար: Կոմիտասը զլխաբաց է, մորուքով, շեշտված դիմագծերով, հայացքը դեպի ցած. թվում է, թե նա դաշնամուրի առջև ստեղծագործում է: Մանրակարը ներկայացնում է մարդկային ազնիվ մի նկարագիր՝ հոգնատանջ, զգայուն հիշողությունների մեջ հարատևող մի կերպար:

Երկրորդ երեսի վրա սխեմատիկ գծերով ներկայացված է հողի աշխատավորի՝ հայ գյուղացու հավաքական պատկերը: Նկարիչը խուսափել է դիմագծերի մանրամասներից և գտել արտահայտչական այնպիսի միջոցներ, որոնք մեղալին տվել են խոր իմաստ:

Մեղալը պղնձյա է, տրամագիծը՝ 58 մմ, թողարկել է Հայաստանի երգչախմբային ընկերությունը:

Նույն ժամանակ թողարկվեց մի այլ մեղալ (նկ. 5): Նրա առաջին երեսի վրա դրոշմված է Կոմիտասի գլուխը՝ թեթևակի դեպի ձախ շրջված, զլխաբաց, փակ աչքերով: Հակառակ երեսը հարթ է: Մեղալը թողարկել է ՀՍՍՀ գեղարվեստական իրերի կոմբինատը. նրա տրամագիծն է 85 մմ:

Այստեղ նկարիչը իր առջև դրել է վերին աստիճանի դժվարին ու պատասխանատու խնդիր՝ առանց գրությունների և այլ մանրամասների ներկայացնել Կոմիտասի նման բարդ ու խոր անհատականության յուրովի և խոստուն դիմապատկերը: Դա նրան հաջողվել է:

Կոմիտասյան հորելյանական օրերին ՀՍՍՀ կուլտուրայի մինիստրության պատվերով թողարկվեցին պղնձյա երկու փոքրիկ մեղալներ ևս:

Առաջին մեղալի վրա (նկ. 6) դրվագված է Կոմիտասի գլուխը՝ կիսաթեք դեպի աջ, ձախ եզրում գրություն՝ «ԿՈՄԻՏԱՍ. 100», աջում՝ դափնե ճյուղ: Մեղալին օղակով ամրանում է քառանկյուն տախտակ, որի վրա փորագրված է քնար և «100»: Երկրորդ երեսը հարթ է, կրծքին կրելու համար: Հեղինակն է՝ Խաչիկ Մուրադյանը: Չնայած մեղալի փոքր չափերին (տրամագիծը՝ 30 մմ) ստեղծված է կենսախինդ, դեպի լույսը ձգտող մի դիմաքանդակ:

Երկրորդ մեղալը թողարկվել է Կոմիտասյան հորելյանական փառատոնի հաղթողներին պարգևատրելու համար: Տրամագիծն է 25 մմ: Սրա առաջին երեսը կրկնությունն է վերը նկարագրված Ս. Քյուրքչյանի մեղալի առաջին երեսի: Երկրորդ երեսին դրվագված է պսակ, որի կենտրոնում՝ «Ի. 100»: Մեղալին օղակով ամրանում է քառանկյուն հարթ տախտակ՝ կրծքին ամրացնելու համարանքով:

Թողարկվել են նաև այս մեղալների տարբերակները՝ փառատոնի երկրորդ և երրորդ տեղերը նվաճողներին պարգևատրելու համար, որոնց հակառակ երեսին համապատասխանորեն դրվագված են՝ «Ի. 100» և «ԻԻ. 100»:

Կոմիտասի ծննդյան 100-ամյակի տոնակատարության առթիվ նկարիչ Արտաշես Թարումյանի իր նախաձեռնությամբ ստեղծեց Կոմիտասի պատկերով մեղալ, որը պատրաստվեց Երևանի էլեկտրաշարժիչ գործարանում: Մեղալի առաջին երեսին դրվագված է Կոմիտասի գլուխը կիսաթեք դեպի աջ, եզրում գրություն՝ «ԿՈՄԻՏԱՍ. 100»: Երկրորդ երեսին պատկերված են շուրջպար բռնած երեք կանացի կերպարներ: Մեղալը պղնձյա է, տրամագիծը՝ 60 մմ:

Կոմիտասի դիմաքանդակը տրված է խոշոր, շեշտված գոգավորումներով, որոշ չափով հեռու կոմիտասյան իրական պատկերից, սակայն կերպարն այն-
լրաբեր 1—7

քան հարադատ է, որ, այնուամենայնիվ, զգացվում է նկարչի անկեղծ վերաբերմունքը և դիմաքանդակի ջերմությունն ու մտերմությունը:

Էջմիածնի կենցաղային մետաղյա իրերի գործարանը 1970 թ. թողարկեց Կոմիտասին նվիրված մի մեդալ, որի հեղինակն է՝ Արարատ Հովսեփյանը: Մեդալը ոսկեգույն մելխիորից է, տրամագիծը՝ 30 մմ: Առաջին երեսի վրա պատկերված է Կոմիտասի գլուխը դեպի ձախ թեքված, երկրորդի վրա՝ երգահանի ստորագրությունը: Կոմիտասը ներկայացված է գլխաբաց, մորուքով, խորաթափանց հայացքով, պարծես կանխագուշակելով իր ազնիվ գործի հաղթանակը:

Հորեկյանական օրերին թողարկվեցին նաև Կոմիտասին նվիրված բազմաթիվ հուշանվերներ: Դրանցից մեկը պղնձյա մետաղի դրվագում է, որը վերածվել է մեդալի, հակառակ երեսի դատարկ տարածությունը լրացնելով պլաստիկ զանգվածով: Սրա առաջին երեսի վրա պատկերված է Կոմիտասի գլուխը: Բարձրաքանդակի դիմագծերը կոկված են, այդ պատճառով այն զուրկ է ջերմությունից:

Կոմիտասին նվիրված մեդալներ են թողարկվել նաև սփյուռքում: Հայաստանից դուրս դրվագված առաջին հորեկյանական մեդալը ստեղծվեց ԱՄՆ-ի հայկական թեմի Առաջնորդարանի նախաձեռնությամբ:

Մեդալի (ձև. 7) առաջին երեսի վրա պատկերված է Կոմիտասը մինչև կուրծքը, կիսաթեք դեպի ձախ, շուրջը «ԿՈՄԻՏԱՍ ՎԱՐԴԱՊԵՏ, ՀԱՐԻԻՐԱՄԵՆԱԿ ՄՆՆԴԵԱՆ» գրությամբ: Դիմաքանդակի աջ և ձախ կողմերում փորագրված է «1869. 1969» և Պատկերի տակ մեդալի հեղինակի մասնագիր անունն է՝ «Ա. ԱԿՈՐՈՅԷ»:

Կոմիտասն այստեղ ներկայացված է խորաթափանց, հեռունբեր նայող լավատես հայացքով, նա հաղթական արշավի ճանապարհի խոշնդոտները հաղթահարած, հաստատուն քայլերով դեպի նպատակը ձգտող կերպար է:

Երկրորդ երեսի դաշտի վերևի մասում դրվագված է երաժշտական էմբլեմ՝ խաչաձև դասավորված փողեր, քնար և դափնե ճյուղեր, որի տակ «Առավոտուն բարի լույս» երգի նոտայից մի փոքրիկ հատված և երկտող.

«Առավոտուն բարի լուս

Աստուած պահէ ամէնուս»:

Մեդալի դաշտի ներքևի մասում, Արարատի ֆոնի վրա, պատկերված են հայկական գյուղեր եկեղեցիներով: Առջևում գյուղացին զույգ լծկանով վար է անում: Շուրջը գրություն է անգլերեն լեզվով՝ «KOMITAS CENTENNIAL-ARMENIAN FOLK MUSIC» (Կոմիտասի հարյուրամյակը. Հայկական ժողովրդական երաժշտություն): Դաշտի աջ կողմում հեղինակի անունը՝ A. AGOPOFF Sc:

Մեդալը թողարկվել է Նյու-Յորքում, արծաթից, բրոնզից և շատ քիչ օրինակներով ոսկուց, Տրամագիծն է՝ 38 մմ:

² Հայաստանի պատմության թանգարանի դրամագիտության բաժնում պահվում են այս մեդալի արծաթյա և բրոնզյա օրինակները, որոնք թանգարանին է նվիրել պրոֆ. Զ. Պտուկյանը (Նյու-Յորք):

³ Հմմտ. Կոմիտաս, Խմբերգեր, Երևան, 1969, էջ 23:

Կոմիտասի դիմաքանդակով Ա. Ակոբովի՝ այս մեղալն արդի հայկական մեղալային արվեստի լավագույն օրինակներից մեկն է: Մեղալի ստեղծման գաղափարը հղացել և նախնական գծագրությունը Ա. Ակոբովին է տրամադրել պրոֆ. Զ. Պտուկյանը՝

Նույն ժամանակաշրջանում մեղալ թողարկվեց նաև Կահիրեում: Նրա առաջին երեսի վրա պատկերված է Կոմիտասի գլուխը՝ դեմքով դեպի ձախ, ցածում ունի խոշոր տառերով գրություն՝ «ԿՈՄԻՏԱՍ ՎԱՐԴԱՊԵՏ», աջ եզրում՝ «1869—1935»: Երկրորդ երեսի վրա փորագրված է «ԳԱՀԻՐԷի ԱԶԳԱՅԻՆ ԻՇԽԱՆՈՒԹԻՒՆ. ԿՈՄԻՏԱՍ ՎԱՐԴԱՊԵՏ. ԾՆՆԴԵԱՆ 100 ԱՄԵԱԿ», ներքևում՝ դափնե ճյուղեր (նկ. 8):

Առաջին հայացքից թվում է, թե մեղալի վրա Կոմիտասը ներկայացված է անհրապույր դիմագծերով և անգամ նման չէ իրական պատկերին: Սակայն այստեղ է, որ մեղալի հեղինակը հանդես է բերել մեծ հմտություն, փորագրելով ինքնօրինակ պատկերաքանդակ: Նա մեծ նշանակություն է տվել յուրաքանչյուր «մանրութիւն», նույնիսկ մեղալի ձևին: Այն քառանկյուն է՝ քիչ կլորացված եզրերով (չափերը՝ 70×60 մմ): Դիտողը զգում է, որ իր առջև ոչ թե օրերը խուցեցրում մթնեցնող վանական է, այլ արևից ու լուսից ճառագայթված, կյանքից իմաստնացած մի մարդ, որը դիմաքանդակին ներշնչում է անսահման անկեղծություն և անմիջականություն:

Պահպանելով մեղալների թողարկման ավանդույթը Մխիթարյան միաբանությունը նույնպես Կոմիտասին նվիրված մեղալ պատվիրեց:

Մեղալի առաջին երեսի վրա պատկերված է Կոմիտասը մինչև կուրծքը, վեղարով, դեմքը թեթևակի ձախ շրջված: Պատկերի երկու կողմերում գրություն՝ «ԿՈՄԻՏԱՍ ՎԱՐԴԱՊԵՏ» (նկ. 9):

Կոմիտասին ներկայացնելով հոգևորականի հագուստով, նկարիչը ընդգծել է նաև նրա եկեղեցուն ծառայելու, «մեծ վարդապետ» լինելու գաղափարը: Նուրբ գծերով պատկերված է մեղմ ու խորհրդավոր, դառնություններով իմաստավորված մի կերպար: Սա Կոմիտասյան մեղալային պատկերասրահի լավագույն մանրաքանդակներից է, ուր նկարիչը արտահայտչական սուղ միջոցներով, սահմանափակ տարածության վրա ստեղծել է հոգեբանական խոր կերպար: Մեղալը մի երես ունի:

4 Ակոբ Մինասի Ակոբովը ծնվել է 1905 թ. Սիլվեն քաղաքում (Բուլղարիա): 1929 թ. տեղափոխվել է ԱՄՆ: Սովորել Կոլումբիայի համալսարանում, ապա Գեղարվեստների ակադեմիայում:

Ամերիկահայ անվանի քանդակագործի ստեղծագործության մեջ նշանակալից տեղ են գրավում մեղալներն ու պլակատները:

Տարբեր ժամանակներում նրա ստեղծագործական մտքի արդասիքն են Ջոն Ֆենեդուն, Ալբերտ Դորնին, Էդգար Հովսեփին, գեներալ Ս. Ջեկսոնին, Ռ. Հովարդին, Ք. Ջեֆերսոնին, Մոնակոյի արքայադուստր Գրասին (պլակատ), գրող և ժուռնալիստ Վիլյամ Բրայանտին, Ալեքսանդր Դվորժակին, գեներալ Վ. Սկոտտին և ուրիշների նվիրված մեղալները:

Ա. Ակոբովի ստեղծած դիմաքանդակները մեղալների վրա աչքի են ընկնում իրենց ինքնատիպությամբ, կերպարների բացահայտման խորությամբ:

Նրա կերտած մեղալներից մի քանիսը արժանացել են ԱՄՆ-ի և Եվրոպական երկրների մրցանակների, Հատուկ մրցանակներ են շահել «Ջոն Ֆենեդին» (1964 թ.) և «Էդգար Հովսեփ» (1966 թ.) մեղալները:

5 Այդ մասին մեղ հայտնել է ինքը՝ Զ. Պտուկյանը:

Բեյրութի կիրականօրյա դպրոցների օժանդակ միության նախաձեռնությամբ նույնպես թողարկվել է մեդալ (նկ. 10), նրա առաջին երեսի վրա պատկերված է Կոմիտասը մինչև կուրծքը, դեմքով կիսաթեք դեպի աջ, Շուրջը՝ «ԿՈՄԻՏԱՍ ՎԱՐԴԱՊԵՏԻ ԾՆՆԴԵԱՆ ՀԱՐԻԻՐԱՄԵԱԿ. 1869—1969» մականորությամբ:

Երկրորդ երեսի վրա փորագրված է վեց տողանոց գրություն՝ «ՀԵԿԴՈՄ. ՀԱՅԱՍՏԱՆԵԱՑՑ ԵԿԵՂԵՑԻՈՑ ԿԻՐԱԿՆՕՐԵԱՑ ԴՊՐՈՑՆԵՐՈՒ ՕԺԱՆԴԱԿ ՄԻՈՒԹԻԻՆ. ՊԷՅՐՈՒԹ. 1969», Մեդալը սպիտակ մետաղից է, տրամագիծը՝ 30 մմ:

Այստեղ Կոմիտասը դրվագված է համեմատաբար երիտասարդ հասակում, հպարտ կեցվածքով, անմիջական և անկրկնելի անմեղություն:

Հորելյանական օրերին, մեդալներից բացի, բազմաթիվ օրինակներով թողարկվել են նաև կրծքանշաններ, որոնք աչքի են ընկնում բովանդակության, արտահայտչական միջոցների ու ձևերի բազմազանությամբ:

Կոմիտասին նվիրված մեդալները համեմատաբար քիչ են: Սակայն դրանք տարբեր են և յուրօրինակ: Այդ իրողությունը թերևս պայմանավորված է դեռ Կոմիտասի կենդանության օրոք ստեղծված պատկերագրական առանձնահատկություններով, որոնք մեծապես օգնում են մեդալագործներին:

Սակայն ինչ ստեղծվել է առ յայտօր սկիզբն է այն մեծ գործի, որ պետք է հավերժացնի անվանի երգահանի հիշատակը մեդալների վրա՝ կերտելով արվեստի խորիմաստ մանրաբանդակ հուշարձաններ:

ПАМЯТНИКИ МЕЛКОЙ ПЛАСТИКИ С ИЗОБРАЖЕНИЕМ КОМИТАСА

Г. В. САРКИСЯН

Резюме

История создания медалей, посвященных Комитасу, охватывает лишь одно десятилетие.

Первая медаль в честь Комитаса была выпущена в Милане, по заказу Мхитарянской конгрегации в Венеции, в 1966 г. В том же году, немного позднее, была чеканена медаль в Советской Армении. На лицевой стороне изображена голова Комитаса. Здесь медальер искусно использовал графическую картину Г. Ханджяна «Хмбавар» из серии иллюстраций к поэме П. Севака «Несмолкающая колокольня».

В 1969 г. отмечалось 100-летие со дня рождения Комитаса, в память которого были выпущены медали как в Советской Армении, так и за рубежом. Среди медалей, выпущенных в Армении, примечательна работа С. Кюркчяна, отличающаяся своей простотой и новизной выразительных средств.

Первая юбилейная медаль за пределами Армении была выпущена в США. Автор медали А. Акопов создал великолепный портрет Комитаса, бросающийся в глаза своей монументальностью и своеобразием трактовки образа. Медали были выпущены также в Каире, Бейруте и Венеции.